

# Tiwei Pol Kewisik Ken Mit Ne Wit Tesalonaika - 2

## Menmen me tiwei ik

Pol katip mit ne Tesalonaika gude 1:1-2

Maain God kakikepai hirak skelim mit kerek nerekyei menmen enum 1:3-10

Pol kitehi God kakikaap mit ne Tesalonaika 1:11-12

Him me mitik enuk kekrehir ke God 2:1-12

God kehimitenai haiu mit nirak 2:13-17

Menmen mit ne weiwik me God hir enisesim 3:1-15

Po katip mit ne Tesalonaika him mikaru 3:16-18

---

**1** <sup>1</sup>“Hi Pol hetike Silvenes, Timoti, haiu mewis tiwei im men yi mit ne weiwik me God yeit wit Tesalonaika. Yi ne God Haai kaiu ketike Mitik Iuwe Jisas Kraiss.

<sup>2</sup>“Haiu hanhan God Haai kaiu ketike Mitik Iuwe Jisas Kraiss han yaaik kirakit hirak kaku kaktikewi yi eiyu werek werek.

## Pol kitehi God katip hirak yaaik

<sup>3</sup>“Naiu yinan, hekrit hekrit haiu mitehi God haiu metpiwek haiu han yaaik meriuwerek mentar yi mit in. Menmen im yaaaim mentar yi mit yises God wisenum, yi niutip niutip hanhanan wisenum. <sup>4</sup>“Te haiu hiras mewenipi niuk mi haiu mewepyapirem men mit ne weiwik me God nerer wit wit. Haiu metpor menmen mit nerekiyiem enum. Menmen merekyi han enuk au. Yi yises God, te yi eiyu werek werek.

## Maain God han kitet menmen haiu mit miriakem

<sup>5</sup>“Yi yau werek werek me menmen mit nerekyi enum meteiknai menmen im. God kewis mit hir ninini naanmipri hir nerekyi enum nentar yi yiriak menmen mirak. Maain hirak kakteikin mit yapirwe werek

---

<sup>a</sup> 1:1 1Te 1:1    <sup>b</sup> 1:2 Ro 1:7    <sup>c</sup> 1:3 1Te 1:2-3; 2Te 2:13    <sup>d</sup> 1:4 2Ko 7:4; 1Te 2:19; Rev 1:9

<sup>e</sup> 1:5 Fl 1:28

werek hir enun, hirak kakre yaaik, te yi eiye eitikerek hirak naanmipri. <sup>6f</sup>Maain God kakriak menmen yaaim. Hirak kakiwaank mit nipaa nerekyi enum nentar in ek hir neriwaank. <sup>7g</sup>Maain God han kitet werek, te menmen enum mamrekyi yetikewai han enuk, hiram mamnaaiwirai haiu mamu werek werek. Menmen im yapirwe mamnaiwirai me maain Mitik Iuwe Jisas kaktike mit nirak ensel naninaiwir wit ke God, hir naninen nanwepaypir hiras nanikre si merhihe. <sup>8h</sup>Hirak kakriak enum kakiwaank mit kerek ninapen nanirtei God, o mit han kerek ninapen nises menmen Mitik Iuwe Jisas Kraais ketpeiyem. <sup>9i</sup>Mit nar ik hir nanit menmen enum mar im. Mitik Iuwe kakipiri nanino naninaaiwir ninaan mirak metike menmen mirak iuwe merhihe, hir naniwaank nanit tipmain tipmain enum eik. <sup>10j</sup>Maain menmen im mamnen me wi eim Kraais hirak kaknen, te hirak kakit niuk iuwe me mit kerek nisesik. Hir nantike haiu mit haiu emwenipi niuk mirak. Te haiu mit miyapir kerek haiu misesik, haiu yapirwe han yaaik mamriuwerek. Yi mi yi eitikeri eiriak menmen im me wi eim eiyyintar haiu merp nimin ne yi mit haiu metpi him me God, te yi yises him im yaaim.

### Pol kitehi God kakikaap mit ne Tesalonaika han tokik nanu

<sup>11k</sup>Haiu han kitet menmen im te hekrit hekrit haiu mitehi God hirak kakikepi kakrekyi yi yaain te yi eiriak menmen yaaim hirak kehimiteni yi eiriakem. Haiu hanhan hirak kakikepi yi eiyses menmen yapirwe yi hanhan eiriakem meriuwe menmen mirak iuwe hirak kewetiyem. <sup>12l</sup>Mar im mit hir nantip Mitik Iuwe Jisas hirak yaaik kakintar menmen yaaim hirak kerekyyiem kekere han ki, hirak kaktip yi yaain kakinterim. Menmen im mamnen mamintar God kiau kaktike Mitik Iuwe Jisas Kraais hanhanai tatkepai.

### Him me mitik enuk kakikrehir ke God

**2** <sup>1m</sup>Naiu yinan, in ek haiu hanhan metpi me Mitik Iuwe kiau Jisas Kraais pike kaknen, hirak kaktaihis kakiriyeyi haiu mamno mamtikerek mamkiyan mamu. <sup>2</sup>Haiu mitihi yi ap yinaain yekre han ki waswas yentar yi yemtau Mitik Iuwe epei kan. Mitik hak ketpiyem, o mitik hak kewepyapir menmen hirak han kitet God Himin Yaaik ketpiwekem, o mitik kewis tiwei kekinaam katip haiu mewisiyem. Menmen im au emit. <sup>3n</sup>Yi ap eiwis mit hir nanwisesiyek nanriuwe him o tiwei o menmen meiyam mit natip haiu metpiyem au emit! Mitik Iuwe ap kaknen ere mit nerer wit wit hir naninin nanweikin sip nanwet God

<sup>f</sup> 1:6 Ro 12:19; Rev 18:6-7    <sup>g</sup> 1:7 Mt 25:31; 1Te 3:13, 4:16    <sup>h</sup> 1:8 Sam 79:6; Ais 66:15; Jer 10:25; Ro 2:8; 1Pi 4:17    <sup>i</sup> 1:9 Ais 2:10, 19, 21    <sup>j</sup> 1:10 Kl 3:4; 1Te 3:13    <sup>k</sup> 1:11 Kl 1:9; 1Te 1:2-3    <sup>l</sup> 1:12 Ais 24:15; Mal 1:11    <sup>m</sup> 2:1 1Te 4:13-17    <sup>n</sup> 2:3 1Ti 4:1; 1Jo 2:18, 4:3; Jo 17:12

em, mitik enuk kises menmen enum keremem hirak kaknen kakwepyapir hirekes, hirak kakiwaank kakikre si enum. <sup>4</sup>Hirak kakwis hirekes kakikrehir ke God kaktike menmen memipin kerek mit newenipiyem. Hirak kaku kakikre winak iuwe ke God hirak kaktip mit hirekes God. Menmen im epei au, hirak Mitik Iuwe Jisas kaknen.

<sup>5</sup>Yi ap han ekitetim au a? Nipaa hi hepu hetikewi hi hetpiyem. <sup>6</sup>In ek yi yertei menmen mewenek te hirak ap kinin kewepyapir hirekes au, ere wi God kehimitanek. <sup>7</sup>Menmen enum mitik enuk kakriakem epei man kike, te maain iuwe, te hirak hirekes kaknen au ere menmen mewenek hirekes kaknaiwirek kakno. <sup>8</sup>Epei au, hirak mitik enuk kises menmen enum kakwepyapir hirekes. Mitik Iuwe kakikip kakriuwe nap me him mirak, hirak Jisas kaknen kakwepyapir hirekes kaknip mitik enuk ik hirak weinik kerekek. <sup>9</sup>Hirak mitik enuk kises menmen enum kaknen kakriuwe him me Seten, hirak kakriak menmen yaaim mirakel kakmipin mit ap nises him me God. Hirak kakriak menmen mamnip mit nanpirpir nanirem. <sup>10</sup>Hirak kakmipin mit kakriuwe menmen enum iuwe me Seten. Nipaa mit in hir ap nises God au. Maain hir nanwiwaank nanit. Hirak kemitörpin enum enum kakintar hir ninapen nanises him yaaim hanhan neriuwerem, te hiram mamkepi hir nanu werek werek. <sup>11</sup>Te God kaksuwe menmen mamitorpin, hirak kaknipi nanises menmen memipin, <sup>12</sup>te mit yapirwe niutip niutip nanit menmen enum me God nanintar hir hanhan menmen enum, ninapen nanises him mirak.

### God kehimiteni yi nikerek nirak

<sup>13</sup>Naiu yinan kerek God hanhani, hekrit hekrit haiu mitehi God haiu matip hirak yaaik kentar yi mit. Hirak kinin kehimiteni yi nirak, hirak kekepi yi yiriak menmen yaaim yeriuwe menmen iuwe me God Himin Yaaik, te yi yises him mirak. <sup>14</sup>God kehimiteni me menmen im meriuwe him mirak yaaim yi yisesim nipaa me wi haiu metpiyem. Te yi yayit menmen yaaim iuwe me Mitik Iuwe Jisas Kraiss. <sup>15</sup>Naiu yinan, yi han tokik eiyu eiyises him nipaa haiu metpiyem meriuwe him mai metike tiwei haiu mewisiyek. <sup>16</sup>Haiu hanhan Mitik Iuwe Jisas Kraiss hirekes ketike Haai kaiu God kerek nipaa hirakit hanhanai hirakit tekepai tewetai nemink (o hipin). Te haiu han yaaik emimeriyiwiek kaknen kaktaihis, <sup>17</sup>hirak ektenyi han ki te yi eiyu tokik hirak kakikepi yi eiriak menmen yaaim miutip miutip, yi eitip menmen yaaim.

° 2:4 Dan 11:36; Esi 28:2    P 2:8 Jop 4:9; Ais 11:4; Rev 19:15    ° 2:9 Mt 24:24; Rev 13:11-13  
 ° 2:11 2Ti 4:4    ° 2:13 2Te 1:3; Jo 15:16; Ef 1:4; 1Te 4:7; 5:9    ° 2:17 1Te 3:13

**Yi eitehi God hirak kakikaap haiu mit**

**3** <sup>1</sup>“In ek naiu yinan, yi eiyyitehi God ke haiu mit, te him me Mitik luwe wen emno waswas emrer wit wit te mit nanim tewem nanisesim nar ke nipaa yi mit yisesim. <sup>2</sup>Yi eiyyitiwekhi te hirak kakiriyei haiu mamnaaiwir mit enun nepan niriak enum, yentar mit yapirwe niutip niutip ap nises God.

<sup>3</sup>Te Mitik luwe hirak yaaik kakises him mirak. Yi yertei hirak kakikepi yi han tokik eiyyu hirak naanmipri ke Seten. <sup>4</sup>“Mitik luwe kakrekyei han kaiu tokik me yi mit, yi wen yiriak menmen haiu nepei metpiyem, te maain yi wen eiriakem.

<sup>5</sup>Haiu hanhan Mitik luwe kakri han ki te yi eiyyirtei God hanhan yi mit, yi han ekitet nipaa menmen enum enum man Krai hirak han tokik kepu, te yi eiriak menmen mar im.

**Yi mit eiyyu yain yain au emit**

<sup>6</sup>“In ek naiu yinan, haiu metpi him manp mekrehir me Mitik luwe Jisas Krai. Keimin ke yi mit kerek hirak kau yain yain ap kises him nipaa haiu mewetiyyem, yi einepin eikeipniwek. <sup>7</sup>Yi eiriak menmen im eiyyintar yi hiras yertei menmen yi eiriakem te yi eiriak menmen eiyyir ke haiu nipaa miriakem. Nipaa haiu mau metikewi, haiu mau yain yain au. <sup>8</sup>“Haiu ap maam menmen me yi mit weinim au. Witaan wanewik haiu miriak menmen iuwe, te haiu ap mari menmen mi mamim au. Kenmak haiu miriak menmen im? <sup>9</sup>“Haiu miriak menmen im mentar haiu ap te mamitihi menmen weinim a? Taauye! Haiu miriak menmen im mentar haiu hanhan meteikni menmen yi eiriakem te yi eiyyisisai. <sup>10</sup><sup>b</sup>Nipaa haiu mau metikewi, haiu metpi him manp mar im: “Keimin ap kiriak menmen au, yi ap eiwetiwek menmen hirak kakim au.”

<sup>11</sup>“Haiu metpiyem mentar haiu memtau mit han ne yi mit hir nau yain yain nari him me mit han natip mit han em natipan nisesan. <sup>12</sup><sup>d</sup>In ek haiu matip mit nar ik him manp metpor mekrehir ke Jisas Krai, hir han ekiwei nanriak menmen nanit menmen me hiras nanim. Mit han au.

<sup>13</sup><sup>e</sup>Yi naiu yinan han yi ap han enuk eiriuwe menmen yaaim yi yiriakem au emit! Yi wen yairiakem. <sup>14</sup><sup>f</sup>Neimin ninapen nanises menmen haiu metpiyem mekre tiwei ik e, yi eiyyihimiteni einaiwiri, te hir yink enuk. <sup>15</sup><sup>g</sup>Yi han kitet hir nire mit ni enun nepan au. Yi eiyyitpor eiyyir ke ni yinan keriyen.

<sup>u</sup> 3:1 1Te 5:25    <sup>v</sup> 3:3 1Te 5:24    <sup>w</sup> 3:4 2Ko 7:16; Ga 5:10; 1Te 4:10    <sup>x</sup> 3:6 Mt 18:17; Ro 16:17  
<sup>y</sup> 3:7 Fl 3:17; 1Te 1:6    <sup>z</sup> 3:8 1Te 2:9    <sup>a</sup> 3:9 1Ko 9:4; 1Te 1:6    <sup>b</sup> 3:10 1Te 4:11    <sup>c</sup> 3:11 1Ti  
5:13    <sup>d</sup> 3:12 1Te 4:11    <sup>e</sup> 3:13 Ga 6:9    <sup>f</sup> 3:14 1Ko 5:9, 11    <sup>g</sup> 3:15 1Te 5:14

### Him ham kike mikaru

<sup>16</sup><sup>h</sup>Haiu hanhan Mitik Iuwe hirekes, hirak haai ke kakriak mit nanu werek werek, te hekrit hekrit menmen yaaim o enum mamnen, hirak kakrekyi yi eiyu werek werek. Mitik Iuwe kakikepi yi niutip niutip yi eiyu werek.

<sup>17</sup><sup>i</sup>Hi Pol hirekes ewis him hetpi “gude” mau tiwei heriuwe his mai. Hi heriuwe menmen im heteikni hi hewis tiwei ik e. Mar keremem hi hewisim mau tiwei yapirwe hi hewis mit ek. <sup>18</sup>Haiu hanhan Mitik Iuwe kaiu Jisas Krais han yaaik kirak kaku kaktikewi niutip niutip.

### Mepir Keremem

---

<sup>h</sup> 3:16 1Te 5:23    <sup>i</sup> 3:17 1Ko 16:21